

凡秋夕海色空明而天半閃爍如赤霞此老蚌曬珠之候蚌
故自愛其珠得月光多者其珠白曬之所以爲潤澤也凡蚌
無陰陽牝牡須雀雉變化而成故能生珠專一於陰也曰珠
牡者言其蚌大無陰也或以九孔羸爲珠牡非也曰珠母者
言其無陽也蚌以月爲食與蟾蜍相爲性命呼吸太陰之精
無大小皆有珠皆牝類也稱海曰珠母宜也又珠母者大珠
在中小珠還之也予詩云珠池千里水茫茫蚌蛤秋來食月
光取水月中珠有孕精華一片與天長是也

凡採生珠以二月之望爲始珠戶人招集羸夫割五大牲以
禱稍不虔潔則大風翻攪海水或有大魚在蚌蛤左右珠不
可得又復望祭于白龍池以斯池接近交阻其水深不可得

珠冀珠神移其文珠至于邊海也予詩云暮春爭賽白龍池
桂席乘潮採不遲千尺羸筐垂海底翻波不使巨魚知是也
採之之法以黃藤絲棕及人髮紐合爲纜大徑三四寸以鐵
爲樅以二鐵輪絞之纜之收放以數十人司之每船樅二纜
二輪二帆五六其纜繫船兩旁以垂筐筐中置珠媒引珠乘
風帆張筐重則船不動乃落帆收樅而上剖蚌出珠蚌有一
珠者數珠者有絕無珠者有僅得珊瑚碎枝及五色文石金
銀者蓋有數焉珠身以圓白光瑩細無絲絡者爲精珠半明
半暗者爲褪光珠次肉珠次糙珠藥珠大而稍匾者曰瑞珠
所謂南海之明瑞也其曰走珠滑珠礫柯珠官兩珠稅珠蔥
珠符珠稗珠古有此名今莫能盡辨但以精珠龍睛粉白重

一分者銀六倒二分者四十倒肉珠二分重者四倒合八百
顆而成一兩者曰八百子則十倒合千顆而成一兩者曰正
千八倒其重七分者爲珍八分者爲寶故曰七珍八寶其價
則莫可定云

凡珠歲有豐耗多得者謂之珠熟少曰珠荒然古時珠賤今
珠貴古時合浦人以珠易米珠多而人不重今天下人無貴
賤皆尙珠數萬金珠至五芋之市一夕而售奸人或以珠池
爲逋逃藪與官吏交通盜珠之人一而買珠之人千百產珠
之池一隅而用珠之國極於東南朔富者以多珠爲榮貧者
以無珠爲恥至有金子不如珠子之語此風俗之所以日偷
也聖明在上不寶珠玉以撲儉身先是所望於今日矣

往總制林富有疏請罷採珠謂珠一採之後數年始生又數年始長又數年而始老故禁私採禁數採所以生長之今經數採即以人命易珠有不能多得者言甚愷切珠本神物善從太守廉則珠復還予嘗至合浦止于城西賣魚橋故珠市也聞珠母肉作秋海棠或杏華色甚甘鮮而性太寒草木記云採珠人以珠柱作鮓今不可得土人餉我珠肉臘以爲珍持以下酒謂珠比年皆他徙又縣之後海龍岐青羸角荔枝莊一十三處亦產珠母羸及珠羸樹今皆無之元時張惟寅上狀言珠蚌生在數拾丈水中取之必以繩引而縋人而下氣欲絕則掣動其繩舟中人疾引而出稍遲則七竅流血而死或爲惡魚所噬蚌逾百十得珠僅能一二乞申罷之其言

與林富相表裏留心民命者可不知之

產合浦之地者多稱珠人予嘗有珠人曲云一唇有數珠大

小相連綴探珠乘月圓揚帆入龍穴又云珠母秋孕精華得

月全明珠無大小都在口唇邊又云水淡珠多白水鹹珠多

黃月光化爲水來養明月瑞又云生長珠池房食珠如食米

日夕剖神胎珠肉薦芳醴又云兒女抱珠筐細珠棄不取珠

母肉微紅色似海棠乳蓋蚌蛤食月之光以成珠者月之

光所凝故色白其肉亦白而有微紅則月中之一陽也白又

以水之淡其水取之於月中故淡也水者月光之所化雖在

鹹海之中而精華不混蚌蛤實月之光於復而成珠於唇珠

在唇故嘗吐之以自媚也大抵蚌蛤以月爲命月者水之精

珠則月之精其生不易故得之亦不易

合浦珠名曰南珠其出西洋者曰西珠出東洋者曰東珠東珠豆青白色其光潤不如西珠西珠又不如南珠南珠自雷廉至交趾千里間六池出斷望者上次竹林次楊梅次平山至汗泥爲下然皆美於洋珠宓山云洋大如豆者竟似夜光但易碎又輕一名玻璃珠其中空故輕凡珠有生珠有養珠生珠者以蚌曬之日中其口自開則珠光瑩謂之生珠若剖蚌出珠則黠黠矣是謂死珠養珠者以大蚌浸水盆中而以蚌質車作圓珠俟大蚌口開而投之類易清水乘夜置月中大蚌采玩月華數月卽成真珠是謂養珠養成與生珠如一蚌不知其出於人也蚌之精神蓋月之精神也

廣東新語

珠母海去石康八十里卽合浦也凡珠璫出於蚌蚌母廣數

寸長尺餘寰宇記珠母者蚌也採珠必蛋丁鐵團山叢談蛋人沒而

得蚌割珠蛋人自云海中外珠池若城郭然其中光怪不可嚮

邇常有怪物護持嶺外代答取珠人泊舟海港數十聯絡天氣晴

卽同開至池以鐵物墜網海底以鐵撥撥蚌滿網舉而入舟

舟滿登岸取而剖之皆凡珠也偶或一舟得寶珠卽有片雲

如墨風陡作必舉而棄之始免覆溺然群舟之中不知何舟

得寶必咸棄之數十舟皆空手而回否則片板無存矣其蚌

圓而底平與肉蚌不同嶺南雜記黃呈蘭珠池詩珠池萬頃渾鴻

濛珠池池在南海中珠池底與鹹潮通池有明珠水清溶混

之不濁何洵洵暮春珠人賽白龍白龍池在交趾東珠神之

貴等祝融珠船大小乘長風攜筐白叟與黃童執樯入海浪
重重隨波逐浪駕飛篷採珠焉敢惜微躬珠色黃白肉微紅
得之可以獻王公水光漾月玲瓏蚌吸月華向晴空孕爲
明珠藏蛟宮老蚌寶珠與龍同珠人昔富今何窮太守賢良
珠年豐深信明珠不易逢

龍村

相傳合浦進城鄉第二圖之龍村人有得夜光珠者不知其
爲寶也以之易粟其人納之口中量粟畢不覺誤吞之腹遂
脹滿不能食數數入水未幾遍體龍鱗隱起一夕化爲龍所
居室悉淪爲深淵故今謂之龍村云

銀錠井

城北四十五里石康馬欄墟前有銀錠井地生古木一截中
窪約深尺許闊如斗四圍擁石泉從木竅出清冽異常冬夏
不竭

珠官脞錄卷二

許瑞棠輯著

青牛城

青牛城即越州故城元和郡縣志云陳伯紹所理郡國志伯紹平夷至合浦見三青牛圍之不獲即於其處置城俗號青牛城

廣東考

古輯要

新寮隘

新寮隘在縣東路通廣西靈蘆六湖蕉林等處明成化間建堡城今改爲新寮營

同上

古墓瓦錢

溫家村某民宅旁有古墓一鄉民掘之有瓦數片上有字似篆非篆並大錢十餘枚年號剝蝕不可認